

**LANKIDETZA-HITZARMENA,
FCC FASTENING COMPETENCE CENTER ELKARTEAREN
ETA BERGARAKO UDALAREN ARTEKOA**

Bergaran, 2025ko urtarrilaren 29an.

BILDURIK

Alde batetik, Gorka Artola Alberdi, Bergarako Udaleko alkatea eta erakunde horren ordezkaria dena, M^a Concepción Ugalde Izeta udaleko idazkariaren laguntzarekin.

Bestetik, Ander Zamalloa Moran, 72489418L NAN zenbakia duena, Fastening Competence Center – FCC elkarteko lehendakaria, elkartearen izenean (IFZ: G75229963).

Azken honek zinpean Alkatearen aurrean aitortu ondoren ez bera eta ez berak ordezkatzeko duen elkarte ez daudela 38/2003 Legeko 13. artikuluko 2. eta 3. idatz-zatietan aurreikusitako debeku-kasuetan dirulaguntzak jasotzeko, elkarri hitzarmen hau sinatzeko ahalmena aitortu eta honako hau

ADIERAZI DUTE:

- 1.- Fastening Competence Center – FCC elkarte irabazteko asmorik gabeko elkarte da.
- 2.- FCC proiektuko partaideek elkarte bat eratu zuten torlojugintza inguruan aritzen diren enpresen arteko lankidetzaproiektuak garatzeko asmo orokorrekina.

Elkartearen helburua da torlojugintzari buruzko erreferentzia-zentro espezializatu bat gauzatea, torlojuak duten aplikagarritasuna eta horien merkatua lantzeko.

Proiektua Bergaran kokatuta dago, bertan ekoizten baita estatu mailako %50a, eta sektorean espezializatutako enpresa asko dago bertan.

Proiektua garatzeko finantzazioa ezinbestekoa da eta FCC elkarteko enpresa bazkideek urteko 2.000 euroko batez besteko kuota ordainduko dute 2025ean, 28.000 euro guztira.

2025ean proiektua burutzeko aurrekontua da 79.902,04 eurokoa (BEZ gabe), eta udalari dirulaguntza ematea eskatu dio.

Begarako Udalak proiektu honetan hasieratik hartu du parte, orain dela hiru urtetik hona zuzendaritza-komiteko parte aktiboa izanik eta 2024.urtean, 25.000 euroko laguntza eman zuen eta dagokion zuriaketak jaso ditu.

FCC elkarteak 14 enpresa ditu elkartuta, eta, besteak beste, honako ekimen hauek garatzen ari da:

Hitzaldi teknikoak (prestakuntzakoak) eskaintzea, Bergaran ere.

Hainbat sektoretan torlojuak dituzten lotuneak erabiltzen dituzten enpresekin harremanetan jartzea eta lankidetzaproiektuak lortzea.

Hotzeko forjaketari balioa ematea.



- Komunikazio digitala.
- Ekitaldi, jardunaldi, kongresu eta azoketara joatea eta prestakuntza ematea.

3.-Azaroaren 17ko 38/2003 Dirulaguntzen Lege Orokorrak 22.2 artikuluan ezartzen du zuzenean eman ahalko direla aurrekontuetan izendun gisa aurreikusitako dirulaguntzak, dirulaguntza horien hitzarmenetan eta araudi erregulatzailan jasotako baldintzen arabera, eta 28 artikuluan ezartzen du hitzarmenak ohiko tresna izango direla dirulaguntza horiek bideratzeko.

Halaber, Dirulaguntzen Lege Orokorraren Erregelamenduak 66 artikuluan aurreikusten du horrelako kasuetan emakidaren egintzak edo hitzarmenak emakidaren oinarri arautzaile-izaera izango duela Dirulaguntzen Lege Orokorrean ezarritakoaren ondorioetarako, eta, berorren edukia zehazten duela.

Azkenik Bergarako udalaren Dirulaguntzen Ordenantza Orokorrak ere gauza bera adierazten du 20. artikuluan eta zehaztu hitzarmenak gutxienez jaso beharko lukeena.

5.- Udalak indarrean dagoen dirulaguntzen plan estrategikoan sartuta dauka Fastening Competence Center – FCC elkartearen aldeko dirulaguntza. Halaber, 2025eko aurrekontuan 25.000 euroko dirulaguntza izenduna aurreikusita egonda, 2025eko urtarrilaren 28an emandako Dekretu baten bitartez erabaki da 25.000 euroko dirulaguntza ematea.

6.- Hitzarmen honen helburua dela dirulaguntza hori elkarteari bideratzea eta onuradunak bere gain hartzen dituen betebeharrak zehaztea, udalaren betebeharrekin batera.

Hala, bada, adierazitako xedapenetan ezarritakoarekin bat etorritz, bi aldeek honako klausulak dituen hitzarmena hitzartu dute:

KLAUSULAK

LEHENENGOA: FCC elkarteak 2025ko urtarrilaren 14an aurkeztutako eskarian jasotako proiektua burutzeko konpromisoa hartzen du, eta baita bere Estatutuetan jasotako ondorengo helburuak lortzeko:

- FCC elkartearen helburua da ezagutzaren garapena pizteko, sustatzeko eta indartzeko behar beste ekintza egitea; horrenbestez, balioa sor dadin bai produktuan, bai lotura-sistemei eta -elementuei lotutako zerbitzuetan, eta horrela enpresek balio-kate honen barruan lehiakortasunean aurrera egin dezaten, lankidetzaren eta berrikuntzaren bidez eta bezeroarentzako balio-ekarpena izanik. Elkarteak teknologiar, negozioari eta merkatuari buruzko batasunen esparrua ikertzeko azterlanak egin edo aginduko ditu, sektore publikoaren eta pribatuaren arteko lankidetzaren sustatuko du, proiektu globalei ekiteko beharrezkoak izan daitezkeen enpresa-batasun edo -elkarteak bultzatuko ditu, eta proposatutako helburuak hobeto lortzeko beharrezkoak diren lantaldeak eta batzorde sustatzaileak eratuko ditu.

FCC elkarteak bere proiektua garatzen jarraituko du eta Bergarako udalaren laguntza jasotzeko epea hamabi hilabetekoa izango da, 2025eko urtarriletik abenduaren 30era bitartean.

Halaber, honako konpromiso hauek hartzen ditu elkarteak:

- Hiruhilero, prozesuaren azalpena jasoko duen txostena aurkeztea Bergarako Udalari.
- Proiektu honen inguruan publizitaterik egingo balitz, Bergarako Udalaren laguntza duela adieraztea.
- Gutxienez euskara erabiltzea ekitaldi eta idatzizko komunikazio publikoetan: iragarki, ohar eta abar.

Ahozko komunikazioetan, bi hizkuntzak erabiliz gero, euskarari emango zaio lehentasuna, euskarazko aurkezpena gaztelerakoaren aurretik eginez.

Era berean, idatzizko komunikazio elebidunetan ere, euskarari emango zaio lehentasuna, bai kokalekuaren aldetik (euskarazkoa gaztelerakoaren gainean), bai neurriaren aldetik. Testuak hizkuntzaren aldetik zuzen idatziak daudela egiaztatzeko, Euskara Zerbitzura eraman ahalko dira.

- Gizon eta emakumeen berdintasunari dagokionez, udalak markatutako irizpideak jarraitu beharko ditu elkarteak. Jarduera, proiektu edo programarekin lotutako iragarki eta komunikazioetan ez da erabiliko ez hizkera ez irudi sexistarik, estereotipo eta rolak alde batera utziz. Era berean, ezingo da diskriminatu sexu-arrazoiengatik.

Eta emakumeen presentzia eta parte hartzea eremu guztietan bultzatuko da (zuzendaritzan, bazkideen artean, erabiltzaileen artean eta abarretan).

BIGARRENA.- Bergarako Udalak 25.000 euroko dirulaguntza izanduna emateko konpromisoa hartzen du.

Dirulaguntzaren lehen zatia (dirulaguntzaren % 50a, hau da, 12.500 euro) ordainduko da elkarte betebeharriskaletan eta Gizarte Segurantzakoetan egunean dagoela egiaztatu eta hitzarmen hau sinatu ondoren.

Bigarren zatia jasotzeko (% 50a, hau da, 12.500 euro), 2025eko abenduaren 30a baino lehen, egindakoaren memoria aurkeztu beharko du elkarteak, eta baita honako dokumentazio hau ere:

- a) Dirulaguntza jasotzeko eskaera-orria, behar bezala beteta eta sinatuta.
- b) Jarduerako gastuen zerrenda sailkatu bat, onuradunak edo ordezkariak sinatutakoa, eta aitortzailearen identifikazioarekin. Bertan datu hauek jasoko dira:

- Hartzekoduna (NAN, IFK, izen-abizenak, helbide soziala ... balego).
- Dokumentuaren identifikazioa (faktura-zenbakia...).
- Fakturatutako –edo pareko dokumentuan jasotako– gastuaren kontzeptua
- Fakturaren –edo pareko dokumentuaren– zenbatekoa
- Fakturaren –edo pareko dokumentuaren– jaulkipen-data
- Fakturaren –edo pareko dokumentuaren– ordainketa-data

c) Diruz lagundutako jarduera finantzatu duten beste diru-sarreraren edo dirulaguntzen xehetasun-zerrenda, horien zenbatekoa eta jatorria adierazita.

d) Programatutako jardueri buruzko dokumentazio grafikoa (hala badagokio).



e) Dirulaguntza aurrekontu bati lotuta eman bada, desbiderapenak zeintzuk izan diren, halakorik egon bada.

Bestalde, jakitun da Gipuzkoako Lurralde Historikoko Zergei buruzko martxoaren 8ko 2/2005 Foru Arau Orokorra aplikatuz, Datu Pertsonalak Babesteari eta Eskubide Digitalak Bermatzeari buruzko abenduaren 5eko 3/2018 Legearen Zortzigarren Xedapen Gehigarria aplikatuz eta, oro har, 39/2015 Legearen 28. artikuluan jasotako aurreikuspena aplikatuz, dirulaguntza hau kudeatzeko ez dela beharrezkoa izango interesdunaren baimena, eta Udalak bere eskumenak erabiliz datuen zehaztasuna egiaztatzeke behar beste egiaztapen egin ahal izango duela, bai eta bere esku dauden edo beste edozein administraziok egin dituen dokumentuak kontsultatu eta eskuratu ere.

Dirulaguntza jasotzeko baldintzak edo betebeharrak betetzen direla egiaztatzeke, Bergarako Udalak honako kontsulta hauek egingo dizkie beste administrazio batzuei:

- Foru Ogasunei:
 - Zerga-betebeharrak egunean izatea.
- Gizarte Segurantzaren Diruzaintza Orokorriari (GSDO):
 - GSDOrekiko obligazioen ordainketan egunean egotea

Interesdunak era arrazoituan bere datuak kontsultatzearen aurka egiten badu, dirulaguntza izapidetu ahal izateko behar den dokumentazio guztia aurkeztu beharko du. Hala badagokio, honako dokumentu hauek ere aurkeztu beharko dira:

- Dagokion Foru Ogasunaren ziurtagiria, zerga-betebeharrak egunean dituela egiaztatzen duena.
- Gizarte Segurantzarekiko betebeharrak egunean dituela egiaztatzen duten Gizarte Segurantzaren ziurtagiriak.

HIRUGARRENA.- Hitzarmen hau indarrean egongo da 2025eko urtarrilaretik abenduaren 30era arte.

LAUGARRENA.- Udalak egingo duen diru-ekarpenaz gain, helburu bera duen beste edozein dirulaguntza ere jaso daiteke, eta Udalari aurkeztuko zaion txosten ekonomikoan sarreretan azaldu beharko da.

Hala eta guztiz ere, diru-ekarpenak (udalarenak edo beste batzuenak batuta) eta/edo bestelako sarrerak batuta ezingo dira izan inolaz ere gastua baino handiagoak.

BOSGARRENA.- Diru-ekarpena egiteko kontuan hartu diren baldintzetakoren bat aldatuko balitz, edo udalarenaz gain beste administrazio batek edo entitate pribatu edo publiko batek emandakoa jasoko balitz, gerta liteke emandako kopurua aldatzea.

SEIGARRENA.- Diru-ekarpena berrikusi egingo da eta egoki bada baita kendu ere, baldin eta hauetakoren bat gertatzen bada:

- a) Diru-ekarpenaren bidez bete beharreko baldintzak bete gabe gelditzea.
- b) Diru-ekarpena erabiltzea lortu beharreko helburua ez den beste helburu baterako.





Bergarako
Udaia

ZAZPIGARRENA.- Bi aldeek konpromisoa hartzen dute proiektua gauzatzeko lanen zein bertan jasotzen diren informazio guztien konfidentziasuna gordetzeko; informazio hori ezin izango zaie hirugarren batzuei eman, elkartek aurrez baimena ematen ez badu bederen. FCC elkartek proiektua garatzean eskura dituen informazio guztien konfidentziasuna gordeko du.

ZORTZIGARRENA.- Ezin izango da aldaketarik egin aurkeztutako proiektuan, ez eta bertan aurreikusten den denbora baino gehiago erabili ere, aurretik udalak horretarako baimena eman ez badu.

Aldaketarik eginez gero, udalak emandako dirulaguntzaren zenbatekoa aldatu ahal izango du (baina inoiz ez da dirulaguntzaren kopurua handituko), bai eta emandako dirulaguntza osoa edo zati bat itzularazi ere.

BEDERATZIGARRENA. - Dirulaguntzari dagokionean, hitzarmen honetan aurreikusita ez dagoen guztirako, honako hauek aplikatuko dira: Dirulaguntzak arautzen dituen 38/2003 Estatuko Legea, azaroaren 17koa; lege hori garatzen duen 887/2006 Errege Dekretua, uztailaren 21ekoa; Bergarako udaleko Dirulaguntzen Ordenantza orokorra eta Bergarako Aurrekontuetako Udal Araua.

HAMARGARRENA.- Alde bietako batek honako hitzarmen honetan hartutako betebeharretak edozein beteko ez balu, beste aldeak hitzarmena hautsi ahal izango luke, eta kalte-ordainak eskatu.

Eta adostasun froga gisa, bi aldeek dokumentu hau sinatzen dute goian aipatutako egun eta lekuan, eta nik, idazkariak, guztia egiaztatzen dut.

Izpta.: Gorka Artola Alberdi

Bergarako Alkatea



Izpta.: Ander Zamalloa Moran

FCC elkarteko Lehendakaria

Izpta.: Mª Concepcion Ugalde
Idazkaria

